

顾祖禹年谱(下)

夏定域 遗著 夏锡元 整理

康熙七年戊申(1668) 三十八岁

万斯大作万氏宗谱，郑梁万氏宗谱跋，戊申年作。属先生请序于宁都魏禧。（《叔子文集》卷八《万氏宗谱》序）

康熙八年己酉(1669) 三十九岁

先生病愈，复草《方輿纪要》。（总序）

康熙九年庚戌(1670) 四十岁

魏叔子再游江淮，冬十一月自扬州归。（《叔子文集》卷十七《大铁椎传》）

魏叔子适杭，寓居沈佳之水亭，据梧高吟，伸笔疾书，意每独造。（康熙《仁和县志》卷二十二）

康熙十年辛亥(1671) 四十一岁

魏叔子访徐俟斋（时五十岁）并出所作《致周青士笺书》示俟斋，乞青士向曹秋岳为李屢园高士谋继粟事。俟斋曰：“秋岳今元贵人，李先生必不食其食。已不能济，听其饿死可也。”已而高士果不食而饥毙。（《徐俟斋年谱》）

叔子辛亥九月游乍浦，交李潜夫至灵岩访徐昭法。（《叔子文集》卷六《与周青士书》）又客毗陵。（《叔子文集》卷八《恽逊庵文集序》）

《彭躬庵与陈元孝书》：“今有从未相识，因吾友之言，遂信为数

十年旧识南越则吾元孝，东吴则虞山顾景范祖禹二人而已。祖禹从未一为诸生，潜心纂述，著十五国《方輿纪要》，为之论。读之令人鼓舞兴发，虽顽懦可为豪杰。少叔子数岁，以兄事叔子。为之执爨捧溺器，居然与昆弟相似。为人廉介，仅有妻与子。子负薪，身授徒无锡华氏。当事闻其名，罗致终不可得，真异人也。”

陈元孝为岭南北田五子之一。又四子为何左五、何不偕、梁器圃、陶若子。（《魏昭士文集》赠北田诸先生序）

叔子客吴门，为作《方輿纪要》序及《耕石府君墓志铭》。

秦沅东从弟乐天君：“魏冰叔乃志节之士，与其兄弟隐居翠微峰，治古文之学，纵横雄杰，当世罕俪。近出游江淮，来至吾邑，昨与接晤，上下千古，真天下奇男子也。翌日可同赤仙往过之。闻渠在此候顾景范，俟景范至，即移舟谐吴门访徐昭法耳。”（《锡山秦氏文抄》卷三）

康熙十一年壬子（1672） 四十二岁

六月，魏冰叔始至吴，十一月归。

九月，从虞山毛扆观汲古阁藏书。（《文集》卷十六《汲古阁主人标点五经记》）

《叔子文集》卷八《西林集序》：“《西林集》者，无锡安懋卿所著，先生子璜汇而刻之。……属常熟顾君祖禹走吴门客舍，奉先生集，命禧更序之。”

是冬先生有送魏叔子还宁都诗：“大地方沍寒，君行涉江水，问君行何为，抱膝深山里，易堂好弟兄，事业寄文史，天空鹏翮飞，日落云霞起。遥望翠微峰，迢迢四千里，吾欲牵君衣，君行其少俟，好风从东来，扬帆疾如驶，山中正春光，寒香放梅蕊。”（《明遗民诗》卷二）

李确卒，年八十二。

康熙十二年癸丑（1673） 四十三岁

莱阳姜采卒，年六十七。（应劬谦撰传）采字如农，号敬亭山人，崇祯辛未进士，官礼部给事中，与熊开元同下狱。魏叔子

过吴亦曾访之，因其子实节之请，作《敬亭山记》。

姜垓字如须，崇祯庚辰进士，官行人司行人，国变后，不数年感愤卒。时子寓节十二岁。寓节字奉世，居于吴。夔州孝廉唐铸万大陶，曾任父任客吴，及选为长子县，落职后复来居吴。……君时时矜卹之。尝与钱塘秦开地云爽、无锡顾景范祖禹谈论，连日夕不厌。康熙三十八年卒，年五十八。（张云辛撰墓志铭）

按云辛字汉瞻，号朴村，嘉定人。顺治戊子生，雍正丙午卒，年七十九。有《朴村集》。方苞撰墓志铭。

秦云爽，著《紫阳大旨》八卷，专为纠阳明朱子晚年定论而作。（《唐鉴学案小识》）

先生时馆无锡华商原家，偕华氏披舆图，繙史乘，续为《方輿纪要》。先生赋诗，有“江底可怜沉铁锁，掌中犹喜抚金瓯”之句，华为击节久之。（陆楣《铁庄文集》卷二）

是冬，陆楣始识先生胶山之南，因以识黄守中先生。

“宛溪豪迈不可一世，独心折先生，指谓余曰：‘有道之士也。日夕风雨踞户，相与啜薄糜，抵掌方輿形势，古今成败得失。先生踞胡床，摩挲铁如意，时余年二十余，为之眉目轩举。’”（《铁庄文集》黄守中八十寿序）

“予初从宛溪识先生，长身丰颐，幅巾宽袍，袖中铁如意莹若冰雪，对人洞达，无渣滓。闻片语，快心扬眉，一笑振林谷。意有感慨，声泪迸发。”

先生尝语陆铁庄曰：“古之治经者，终其身以全力治一经，故瑕瑜互见，而要归于有用。后人沉溺举业，指取儒先谈理之唾余，以资辨说，供剽窃，幸腊华旃。问以南北道里、山川阨塞，茫然不能对，而天下事至于腐烂（溃腐？）而不可救药。”（《铁庄文集·禹贡正义序》）

《无锡志》卷二十二《文苑》：“陆楣，字紫宸，幼孤。露读书鸡栖豚豕旁，志气感慨。喜为古文辞，同邑朱旂见楣所作，延誉于秦松

令，得纵观秦氏藏书，自是北走燕赵，南涉闽粤，其学益进。帽于六经皆有撰述，垂老作《古今官制考》，未成而歿。”

秦栗等受业黄守中。

康熙十三年甲寅（1674） 四十四岁

吴兴祚调离无锡知县任。（《锡金志》卷十五《职官表》：康熙二年任至十三年）

先生南游入福建（按先生足不出吴会，至是出游）参耿精忠幕，托妻子于黄庭。

黄统《守中府君行略》：“顾子以雄才大略，慨然欲有为于天下，乃寄妻孥于吾父，吾父则以养以教，数年如一日。”“时讹言日至，先生子士行，字分孟，方受书黄守中，守中辄抚之曰：‘我在，孺子无恐。’”

《无锡志》卷二十六《隐逸》：“黄庭字守中，少任侠，与常熟范晋、同里顾祖禹善。后祖禹游四方为卿上客，而庭终身屏居胶山，祖禹时过访之。或衣冠稍易其故，庭厉声诃责，祖禹亦逊谢无忤色。有嘉兴李谭避难依庭，既死，遗寡妇，庭访其家为立后。邹溶被逮入都，庭贻祖禹书，属为营救，得减死论戍，庭与溶故不识也。家奇贫，客至或不能具食。族有赘再醮契列庭名，叩头纳米五斗，庭诘得其故，怒麾去，时不食两日矣。里中子弟或嬉游过其门，必相戒毋妄语乱步，其为人敬惮如此。晚岁弥自韬敛，掩关制硯特精好云。年八十余卒。”

《锡金识小录》卷七《黄守中庭传》：“先生与华商原、秦湘侯、范鼎九、顾景范友善。诸子一日买舟访之，日已暮，无米备夕餐，探豆棚败荚半筐，出示供客，分半与舟子，欢笑剧谈竟夜，至天明乃登舟告别。后授经于南里华氏。南里有龚君某者，敬其为人，特设一榻以待，去则悬之。顾宛溪景范南游寄孥于先生，后宛溪与修一统志，应东海聘，常主于其家，先生意不善也，见衣冠少易其故，辄厉声斥责，若父兄之于子弟，人不能堪，而宛溪终无忤色，相善如故也。……每与宛溪纵谈天下事，辄拂袖起舞，意致慷慨，遇得意处，掀髯长啸，声振林木。晚岁和平乐易，磊砢不平之气，消释殆尽，取大程语榜其门曰‘万变俱在人，其实无一事’。宁都魏禧题其居曰：‘流水直临门，飞尘不到’

地，中有高卧人，识得静者意’。”

《锡金识小录》卷五：“王国桢字础臣，有异才，……与顾景范、钱其所辈，讲求经世大略，旁通天文地理奇门兵阵之学，料事多奇中……。”国桢卒于康熙三十二年癸酉，年六十八。（《独漉空文集》十二《王础臣行状》）

是夏因闽乱，杭州河渚避居者颇多。

秦云爽《定叟文钞施赞伯六十寿序》：“甲寅夏因闽乱，城中扰扰，予与相知之友，不期而会。环施子而居者，为江子尔慈，沈子先度，陆子抱石，沈子岸先；客居同寓者，为徐子孝先，三衢叶子静远，贵池吴子企冈及同子子政。数家宾客，四方贤豪长者，往来无虚日。……河渚人材盛，因以远震。”（《郭西小志卷后》）

施相《幽居诗草》魏有序：“施相，杭仁和湖墅人，故明诸生。乙酉后弃衣巾为遗民，杭有幽胜之地曰河渚，先生自城北徙宅。徐先生狷石者，故先生之学侣，来依以同居，而万先生公择亦自甬上来而舍。三人相对欢甚，于是溪上遂成讲堂。公择乃为先生首赋幽居二十四绝，同志张止庵、秦开地俱倡和之，世所称“幽居倡和诗者也。”（同上卷九）

康熙十四年乙卯（1675） 四十五岁

熊开元驻锡吴江（《沈永全赠槃庵禅师诗序》）距作令时阅五十寒暑矣。栖吴郡灵岩山，后主席虞山之三峰。为《方輿纪要》作序，盖在此时。

康熙十五年丙辰（1676） 四十六岁

先生游耿藩幕中，干以谋不用，赋五律数章见志（诗今未见），遂归。（常熟单学傅云）

当三藩之乱，先生崎岖闽浙，迄无所遇。尝题淮阴侯庙云：“重瞳帐下未知名，隆准军中亦漫行，半世行藏都是错，如何坛上会谈兵。”盖以自况也。（《识小录》卷七）

魏叔子选《方輿纪要》。

《魏昭士文集》卷三《八大家摘抄》序：丙辰春，效将负笈从勺庭伯父南游，先是请于伯父，为选《八大家文抄》、《方輿纪要》、《阳明别

录》，东房伯父《四此堂稿》共若干本，装潢之以藏于笥。”

贵池吴秉季卒，其子正名（字子政）葬之于杭州河渚。（《叔子文集》卷十四《哭吴秉季文》）

吴姬适，字秉季，负气谊，敢犯难，与人交侃侃然以当世自命，不乐仕进。遁迹宁都之冠石峰，与魏禧辈并义慨相高。最后游杭，馆孝廉汪煜之北园（在仁和武林门内），追忆生平游历，作诗数十章，率有寓意，晚年沉深自克，识诣卓绝。岁时所得，辄记曰《褰言》。尤与河渚施相、秦云爽善，卒葬西溪之百丈岭。（康熙《仁和志》卷二十二）

是年冬，吴兴祚任福建按察使。后官至两广总督。（康熙三十七年卒，年六十七。秦松令撰行状。）

十月清康亲王进福建，耿藩降。

康熙十六年丁巳（1677） 四十七岁

魏叔子在扬，七月作《阎氏本支叙》（《文集》卷八），又作李清《南北史合注序》（卷八）以与《方輿纪要》及吴任臣《十国春秋》并举，以为世不可少之书。并云“吴、顾二君，余与友，读其书而序之。”

十月魏善伯在闽遇害（《文集》卷十八《先伯兄墓志铭》）。十二月叔子发扬州，抵无锡，得伯兄凶问，遽归。明年春到山。（卷十四《哭吴秉季文》）

王崐绳始识先生。

《居业堂文集》卷六《复陆紫宸书》：“源生平服膺者，惟易堂魏叔子先生。丁巳谒先生邗上，一见未他语：“有东南第一人，子愿识乎？”问之，顾景范也。时坐上客甚众，一面别去，后读其《方輿纪要》，乃知景范真奇才，恨与交未深。君子视其所与，吾子既与同里称莫逆，即吾子可知。”

仁和沈昀卒，昀字朗思。甲申年二十七，弃举子业。康熙丁巳年卒，年六十二。（《郭西小志》卷十《北郭诗帐》卷下《孙宇台集》卷十五《亡友柴汪陈沈四先生合传》）

冬，孙宇台在闽遇先生。

《孙宇台集》卷三十七《丁巳至三山喜遇顾景范》：“腊尽相逢大海东，我来君去总途穷，休言五霸驱除略，何自山川指掌中。岭上梅花无信息，淮南桂树泣四风；莼鱼思切三江内，便付愁心与北鸿。”

曹溶亦在闽晤先生，有送其还锡山诗。

《静惕堂诗集》卷四《久淹闽中杂书纪事》：“萍迹恒落落，得友不萧森；吴越翻殊轸，尘埃如盍簪。八荒离合势，一掬治安心；早识藏名处，泉花翻榻深。”

陆楣有雪夜访宛溪顾子诗。

《疏块轩诗》卷一：“三年瘴雨浣征袍，空过屠门也是豪，棋局任敲虚对垒，炉灰经昼但抽毫，疏窗雪虐欺寒焰，老树风慄□怒涛，寂寂溪山人宛在，芦中吟罢转萧骚。”（此诗盖丁巳冬作。）

康熙十七年戊午（1678） 四十八岁

恽日初卒，年七十八。日初字仲升，号逊庵，康熙十七年卒。（恽珠撰传。《耆献类征》卷三九九儒行五）

是冬，先生囑吴子政致书魏叔子，为孙容也求七十寿序。《叔子文集》卷十一）孙容也，余姚人，侨寓临安。

康熙十八年己未（1679） 四十九岁

南昌彭士望年七十，率儿厚本来访，并命厚本师事先生，并为耕石公诗集序及《方輿纪要》序。

是年《方輿纪要》全书告成。

彭士望序：“祖禹之创为是书年二十九，经二十年始成。藉资游历，函获新胜，即改窜增益，虽十另草而不惮。”

叔子作《万氏宗谱序》，作于己未中秋。（《万氏宗谱》内集十四卷，外集七卷，乾隆壬辰重修本。）

魏叔子应先生之囑，作孙容也七十寿序。

康熙十九年庚申（1680） 五十岁

先生时馆昆山徐氏传是楼。暮春，彭士望因先生之介游传是楼，作《传是楼藏书记》。（《耻躬堂文钞》卷八）

八月彭居徐氏家作《徐氏五十寿序》（《文钞》卷七），又

作《顾宛湄诗集序》。

《传是楼藏书记》：“庚申春暮，予因顾子景范，陆子抱石，及儿厚本，顾而乐之，留连不能去。公子艺初（徐树谷）、章仲（徐炯）孝廉，以予遄返，特遣书以景范绍言属余记。”

徐健庵《春坊五十寿序》：“庚申八月，予在吴门，崑山徐子艺初、章仲二孝廉遣书使，因顾子景范迎予居其家。……公既延武林陆子抱石、太仓顾子伊人，与共晨夕，欣赏析疑，及四方士过从，礼之无倦。而虞山顾景范，不求闻达，落落人外，惟潜心《方輿纪要》一书，公礼而致之，不烦以事，听自纂述。更为具胾飧，笔札书史以相欣助。”

《耻躬堂文钞》卷五《明名臣言行录序》：“余客崑山，徐子开任以是书索序。”又卷五《旃风堂遗集序》：“大行陆崑庭先生既殉节之三十有六年，予始得交其令子繁绍，比至河渚，绍出先生《旃风堂遗集》求序。”

按陆培字崑庭，崇祯己卯举于乡，明年成进士，授行人。甲申十月，以行人副吏科熊汝霖，祭奠淮藩。将复命，南都覆，急归谋保乡土，知潞王降，入桐坞，赋绝命诗，……遂缢死。年二十八。有《旃风堂集》。子繁绍，字抱石，培殉节时才十令，奉母色养。尤工骈体，著《善卷堂集》。（《北隅续录》卷上）

又按顾湄字伊人，号秋水。本惠安令程新子。新与顾应麟善。应麟无嗣，幼鞠湄，遂姓顾。明诸生。（《江苏诗征》）

顾麟士，太仓人，崇祯癸酉副榜。癸巳岁十二月二十日卒，距生万历己酉三月十三日，年六十有九。（《确庵文抄》卷六《顾太学碑文》）

十一月，魏叔子从无锡赴维扬故人约，舟至仪真，忽发心气病，一日夕卒。时门人梁份从行，远近友人咸至，哭于殡所。先生独先至，为经纪其丧，作文悼之。钱塘徐介（孝先）闻讣，亦走千里哭之，手抄其未刊遗稿。（《明遗民诗》卷一小传）

徐介初名孝直，字孝先，更今名字坚石，号狷庵，仁和淶里人。著《贞白斋诗集》，又集杜诗。（《两浙輶轩录》卷五）

徐孝先明末遁迹荒野，白衣冠者垂五十年，居石溪，在万花万树中。每春时落英委土如铺雪，先生醉卧其上，惠风徐来，飘花被体与衣冠一色。所作有《梅花百诗》。

唐甄原名大陶，字铸万，夔州人。康熙四十三年卒，年七十五。《潜书》末《唐圃亭先生行略》：“魏叔子之知己也，闻叔子讣，为假吴氏之堂，设位举哀。陈《五形篇》以奠，哭之恸曰‘从魏子之爱也。’又宁都魏叔子见先生《潜书》曰：‘是周秦之书也，今犹有此人乎？’每接宾客及致书于人，必称唐子之文、掩汉而上之。（唐甄《潜书·有为篇·与顾子论学》）

是年南丰梁份、贵池吴正名并四十，叔子为作序。

吕晚村削发为僧，名耐可，字不昧，号何求老人。

康熙二十年辛酉（1681） 五十一岁

是年秋，魏季子扶叔子槨归葬。（《季子集》卷十四）

先生仍馆崑山传是楼。

陆陇其《三鱼堂日记》：“辛酉七月初二，至常熟会黄子鸿，言无锡祖禹，字景范，有方輿书最精详。今馆于徐健庵家。”

是年先生有病。

康熙二十一年壬戌（1682） 五十二岁

顾亭林卒于曲沃，年七十。亭林虽与先生不相识，但当时有二顾之称。

王应奎《柳南随笔》卷四：顾祖禹字景范，邑人也，潜心纂述，著《读史方輿纪要》百三十卷。时东吴学者称二顾，盖谓景范与宁人也。……又宁人所著《肇域志》二百卷，稿本藏外甥徐健庵尚书家，不知其存亡矣。《方輿纪要》一书世无刊本，见者颇少。

陈寿祺撰汪中墓志铭：“国初二顾輿地之学，历二百年江左莫能继。”

康熙二十二年癸亥（1683） 五十三岁

仁和王晫作《今世说》（癸亥作）卷三：“顾景范著《方輿纪要》成，吴抚军先刻其五卷行世，孙宇台谓其书若长江亘天，

珠囊照地，古今兴亡，天下形势，瞭如指掌，真人间所未有。

〔自注〕：顾名祖禹，江南无锡人。沈敏有大略。为人奇贫而廉介，宽厚朴挚。不求名于时，独耽著述。凡山川险易，古今用兵，战守攻取之宜，兴亡成败得失之迹，辑为是书，约一百二十卷。论者谓《九洲记》、《一统志》诸书，不能及也。”

为歙县王炜请魏季子铭其母墓志。

徐乾学告知先生赠魏季子刻书费。

《文集》卷八《徐健庵学士书》：“得顾景范书，又知惠金为灾木资，是礼一见而辱三赐之厚。”

康熙二十三年甲子（1684） 五十四岁

与秦湘侯、华商原等共祝黄守中六十寿。

撰《孙宇台先生遗集序》。

康熙二十四年乙丑（1685） 五十五岁

黄梨洲过崑山，先生以所作《邓丹丘传》，属黄氏作墓志：

“甲辰至虞山馆大临精舍，款对者有张雪崖、顾石宾诸道侣。随访熊鱼山于乌目，访李肤公于赤岸，（李逊之江阴）皆大临导之。乙丑过崑山，顾景范以所作《邓丹丘传》嘱志之，当今日而有举及西起者，恐此外更无人矣。”

康熙二十五年丙寅（1686） 五十六岁

是年秋先生仍在崑山。（《瓯香馆集》卷九《丙寅中秋同张汉畴及景范、景天诸君玉峰北园看桂十首》）

先生为《瓯香馆集》作序。

康熙二十六年丁卯（1687） 五十七岁

引刘继庄入都参修《一统志》。（《文献征存录》刘献廷《黄仪顾景范引刘献廷参一统志事》）

梅定九《方程论发凡》：“岁丁卯薄游钱塘，同里阮于岳鸿胪付费授梓，属以理装北上，未遂杀青，续遇无锡顾景范、北直刘继庄二隐君，嘉禾徐敬可先辈，朱竹垞供奉，淮南阎百诗，宁波万季楚两征士于

京师，呈蒙印可。”

康熙二十七年戊辰（1688） 五十八岁

梁质人份《西陲今略》成稿。

八月徐介卒。（《小志》卷九）

《西泠怀古集》卷九：“贞白斋怀徐狷庵年七十二，卒于河渚施相家。”

《鮚埼亭集》外编卷三十《题徐介传后》：“徐狷石最善顾宛溪，会有事欲商之宛溪，而宛溪在岷山司寇馆中，狷石徘徊其门不入，会宛溪之从者出，因以告，乃得见。然狷石终不肯入，司寇亦闻之，亟遣人出迎之，狷石正解维疾去矣。”

《小志》卷九：“有友系狱，非宛溪顾祖禹不能解，而非狷庵不能致景范。景范适主显贵家。狷庵不能见显贵，急友之难，遂不远数百里而往，竟不登岸，遣一介招景范至河泚立谈，而友之事遂解。景范之主者夙慕狷庵名，亟造舟谒见，而舟已解矣。”

康熙二十八年己巳（1689） 五十九岁

《方輿纪要》告成。

《魏敬士文集》卷一《寄顾景范先生》：“闻《纪要》书编次已成全书，剞劂告就，乞于便中寄惠一部。”

《锡金识小录》卷七：“邹可远以法宝事系狱，……始顾子景范祖禹寓京师，得黄山人守中书，云不能为可远脱网罗，何面目见下士。景范计，独北平刘子继庄可与语，出守中书示之，摇首曰：‘难！难！’居数日，忽晨叩门索酒饮，曰：‘子可以谢守中矣’。问其故，终不言，可远之出狱，继庄之力也。”

康熙二十九年庚午（1690） 六十岁

是年先生在都门六十初度。（《魏季子文集》卷七有《顾景范六十序》。）

《魏昭士文集》卷四《敬书家大人顾景范先生六十序后》：“先生训迪之后进，周旋其困厄者不可胜数，先生盖乐为之不倦”。

自后先生即南归，秋间至洞庭东山一统志局。

查慎行《敬业堂诗集》卷十二《桔社集》：（起庚午秋，终十二月。）“桔社在洞庭东山之麓，刘氏取以名园。秋冬间假馆于此。与书局同人唱酬不少。”《敞云楼次顾丈景范韵》：“平视茫茫但碧望，堵墙高下列丹枫，地迥最宜千尺上，景奇独点一山东。湖光夜闪疑飞电，磴道秋垂似偃虹，多媿元龙豪气在，每闻清啸发楼中。”（原倡今未见。）

康熙三十年辛未（1691） 六十一岁

《横山文集》引柯振岳《裘太史蔗林先生传》：“先生痛父之死难与母氏之流离辛苦以保遗孤也，撰行状呈徵君。（黄梨洲）……既得徵君墓志铭，出入与偕，客舍无聊，时辄发篋读之，且读且泣，往复不能休。无锡顾高士祖禹尝书之，志铭之，以记其哀。”

马涧字云翎，号碧沧，国子生，世奇从孙。早弃举子业，读书嗜古，从黄汉臣、魏禧、顾祖禹游。祖禹纂《方輿纪要》，涧与参考。康熙中诏修《一统志》，徐乾学延涧共事。有《桐山草舍诗抄》。（杨熙宁撰传）

康熙三十一年壬申（1692） 六十二岁

卒于家。（胶山）葬盛姬墩，（《锡山补志》。）墓在崇德里。（《无锡志》卷十二《冢墓》）

华希闵纂乾隆《无锡志》卷三十《文苑本传》：“先生卒六十二。”华传末云：“按《读史方輿纪要》手定本，今祖禹孙根犹等奉弃，外间传写舛讹，至不可句。近乃识根，根言曾见外本有句云：‘四秦三有克死天下之大功’，凡十一字，甚怪。归检藏本，乃是‘因秦王有克定天下之大功’十一字也，其谬如此。根家甚贫，颀而介，誓不将书过户限出示人，可谓能慎守耳，但不广耳。”

常熟单学传云：“景范寓居钓渚范鼎九贺家，《纪要》稿本多至两橱，底稿两橱，昔藏鲇鱼桥氏家，今不知尚在否。所见计五百余卷，今所刊者犹不全。景范青鞵布袜，四海孤行。

先生子士行字分孟，曾参与洞庭书局一统志工作。

《识小录》补传四：“乌子者，顾分孟远游携归僮也。分孟死，其长子亦死，寡妻幼子，家无余资，遣之他往，令图活计。乌子逾年复归，衣履敝坏如故。囊有数十金封识宛然，悉献之主母。自是遂留顾氏，为人傭作，以养主母小主。小主就塾，乌子听其勤读则喜，或怠倦或游嬉，甚愠。小主习制义，遇作文日，必少市鱼肉以食之。乌子不娶，身无完衣，所得傭钱，悉以与主母，后竟老于顾氏。”

《识小录》补传三：“黄延和，字怀九，邑诸生。祖庭载志隐逸。延和自守介特，而于姻族里党间，曲有厚礼。宛溪顾祖禹孙体诚，母子茕独，延和卵翼教诲之，为营婚娶者再。”

秦瀛《宛溪怀顾景范先生》：“饥寒孙子凋零剧，尚抱遗编守蠹鱼。”

整理者工作单位：浙江省图书馆古籍部

王韬藏日本刻《千字文》

《纂图附音增广古注千字文》三卷，原为清长洲王韬藏书，现存北京图书馆。

卷上钤“王韬秘籍”、“淞北玉麈子”、“长洲王韬”、“弢园老民”四印。

卷三后钤“盛世罪民”、“淞北老民”二印。

卷三后还有王韬用金色题记一行八字：“天南遁叟偶阅一过”。

此书为日本刻本。光绪初，王韬曾东渡，本书应即得于此时。题记一行为王氏亲笔，固属可贵，诸印中，“盛世罪民”一方亦为少见，同时，也可看作王韬思想变化之一证。

• 薛 英 •